

اِسْتِغْنَا

نومبر ۲۲

بِخِشَبَه

۱۲ شباط ۱۳۲۴

محکمه سنده محاکمه سنه ابتدار اولندی . مدعیلردن یروانت انای محاکمه هیئت
 حاکمه بی تحقیر و اطاله لسانه جرأت ایلدیکندن هان بلذاکره آلتی آی حبسنه
 حکم اولندی . مرقومده (دعوامزی می کوره جکسکز یوقسه بزی می محکوم
 ایده جکسکز) سوزیله هرکی کولدردی . نجیب ، سامعینک بک چوق تحقیراته
 هدف اولدی . حتی محاکمه به ختام ویریلوب هیئت حاکمه صالونی ترک ایتدکلرنده
 کندوسنه قارشو تجاوزات لسانیه او قدر آرتدی که خلقک طیشاری به چقاریلوب
 قبولرک قیادلسنه لزوم کورلدی . نهایت اللی قدر ژاندارمه سواریمی و بر بلوک
 پیاده ، بر او قدر اوجی طابوری افرادی نجبی غالا آراپاسنه اراکاب و کمال دبديه
 ایله اهالینک (یوها) ندالری آره سنده توقیفخانه به ایصال ایلدی . مرقوم حیاتنک
 تهلدکده اولدیغندن بختله وقتيله بکنمديکی حربه نظرآتک بکر آغا بلوکنه نقلی
 طلب ایلمکده ایش . . .

مکتب ملکیه مأذونلردن

ابراهيم احسان

اجمال خارجی

بو هفته موضوع بحث ایده جمکمز وقوعات سیاسیه نک اک مهمی وهمده
 اک ناکهظهوری شبه سزدرکه روسیه حکومتک غران دوق ولادیمیرک جنازه
 آلاینه حاضر بولنقی اوزره پترسبورغه کیدن پرنس فردیناندی قرالره مخصوص
 مراسم احترامیه ایله قبوله قرار ویرمش ، و بو قرارینی شو سطرلر یازیلنجه به
 قدر موقع اجرایه وضع ایلمش اولمسیدر . بلغارستانک استقلالنی اعلان ،
 و اوستریانکده بوسنه و هرسی الحاق ایتلرینی بین الدول منعقد بر معاهده نک
 خودبخود نقض ایدلسی کی عهد شکنانه بر معامله عد ایدرک بو معامله بی
 پروتستو ایدن دولترک برنجیسی روسیه حکومتی اولدینی حالده حکومت
 مشارالیه انک الیوم بردنبره تبدیل وضع و حرکت ایدرک بلغارستان قرالغنی تصدیقه
 پیشوا اولسی خبری استانبوله عکس ایدر ایتمز بک الیم بر تاثیر حاصل ایتدی .

انقلابمك فردا سنده حقمزده مأمولك فوقنده مآثر تقدیرات ومخالصت ایدن ، حتی « نووویه وره میا » غزته سی کی مهم ومعتبر بر غزته واسطه سیله دولت علیه به قارشو خصمانه بر سیاست تعقیبی دوره سی کجوب ارتق مودتکارانه بر پولتیقه به سلوك اتمك زمانی حلول ایلدیکنی ادعا ایلدن روسیه نك شو قرار ی مارالذکرتأثیر الیمی حصوله کتیرمسی پك طبیعی ایدی . حتی بعض مطبوعات عثمانیه روسیه نك قدیم پولتیقه سندن ، ده ا آچیقجه سی دلی پترونك وصیتنامه سندن واز کچمیه جکی بو دفعه ده ثابت اولدیغنی بیانه قدر واردیلر .

روسیه خارجیه ناظری البت بونیجه نك حصولی تخمین وادراك اتمش اولمیدرکه در سعادتده کی سفیری واسطه سیله باب عالی به شو تلغرافنامه بی تبلیغه لزوم حس ایلمیشدر :

« بلغارستان پر نسی فردیناند ، غراندوق ولادیمیرك وقوع وفاتی ویانده استخبار اتمسیله اقربا و اوداسندن بولنان متوفایه قارشو عهده سنه ترتیب ایدن صوك وظیفه بی لاجل الایفا بورایه کلکی تلغرافله بر صورت متأثرانده طلب اتمش و غراندوشك ابرام والاحاحی اوزرینه ایمراطور حضر تلی حسیات شفقت شعارانه ومودتکارانه دن متولد بولنان طلب واقعی اسعاف ایلمش اولدیغندن پر نس فردیناندك كله جك بازار کونی اجراسی نقرر ایدن جنازه مرا - منده حاضر بولنق اوزره بورایه ورودی منتظر در . بن کیفیت طرخان پاشایه اشعار ایله برابر احوال حاضر به نظر آ پر نس فردیناند حقنده اخیراً آکتساب اتمش اولدیغنی عنوانه معادل مراسم احترامیه بی ایفادن اجتاب ایده میه جکمز ی - و بیلدم . - کندیسيله بلغارستان آره سنده تکلیف وساطتمزی اساساً قبول اتمش اولان حکومت عثمانیه نك دخی بلغارستان حکمداری حقنده کی شو معامله نزاکتکاری به منافع دولت علیه بی مغل بر حرکت نظریله باقیه جغندن امینر . برده حکومت عثمانیه ایله جریان ایدن مذاکر اتمز نتیجه سنده بلغارستان تمویضی مسئله سنك بر صورت تسویه فعلیه به اقتران ایده جکی وبوسایه ده بلغارستان استقلالنك تصدیقه ابتدار اولنه بیله جکی امیدنده یز . بحران حاضره بدایت ظهورندن بری دولت علیه حقنده کی حسیات مخالفستکارانه مزك دلائل عیدیه سی

ابراز ایتش اوله جغمز جهته یالکز بلغارستانله جایگیر اولان مناسبات قدیمه مزى دکل بلکه روسیه ده کی افکار وحسیات عمومیه بی دخی نظر اعتباره آلفه مجبور ولدیفمز شو احوالده بزمده حکومت عثمانیه نك تمایلات دوستانه سنه اعتماد ایده بیله جگمز اعتقادندیز . خصوصات مشروحه بی حکومت عثمانیه نك یش نظر اطلاعاته وضع ایتکز متمنادر.»

بوتلغرافنامه نك افکار عمومیه عثمانیه ده حاصل اولان تأثیراتی نه مرتبه تخفیف ایده بیله جگنی شمیدین تقدیر ایده مه یز. هله برقادینك الحاح و ابرامی اوزرینه قوجه بردولنك ماهیت سیاسقی حقنده کونا کون تفسیرلره یول آچه حق برقرار مهم اتخاذ ایدلمش اوله جغنه طوغریسی بك احتمال و بریله مز. انکلتزه و فرانسه دولترینك روس قرار اخیرینه قارشو اظهار عدم خشنودی ایتلری ده بوکا دلالت ایدر. دولین مشارالیه مانك روسیانك بوحرکئی سوقیله تبدیل فکر و وضعیت ایتیه جگکری نی و بلغارستانك استقلالى برائتلاف دولی به اقتران ایتدکجه واک اول طرف دولت عثمانیه دن تصدیق اولندکجه کندیلری ده تصدیق ایتیه جگکری نی بیلدر مشلدر. ایتالیا حکومتی دخی بوبیانانه اشتراك ایلمشدر.

آوستریا و آلمانیا حکومتلری بوباده کی نقطه نظرلری نی هنوز توضیح ایتما مشلر سه ده دول ساره نك افکار و مطالعاته اشتراك ایده جگکری وهله آوستریانك بلغارستانك اعلان استقلالانی تسهیل ایدرک امارتی کندى دائرة سیاستنه اله جغفی امید ایدر ایکن روسیه نك بوحرکئی اوزرینه بلغارستانك تکرار «مستخلص» نه رجوع ایتسقی خوش کوره میه جگنی بزه کلنجه قومشومز روسیه حکومتك دولت عثمانیه حقنده جدأ خالصانه برمسلك سیاسی اتخاذ ایتسقی من کل الوجوه آرزو ایتدیکمز ایچون او یوله براماره مقنعه کورمک ایسترایدک. بلغارستانك استقلالانی تصدیق خصوصنده التزام استعجال ایتسقی - انقلابمزدن صکره اظهار ایلدیکی مآثر مخاندنکاریدن صکره - حکومت عثمانیه به قارشو برخصومت اثری اوله رق تلقی ایتسه ک بیله بواسطه جالی هر حالده آلفیشلایه میز. بلغار قرالانك هنوز حصول استلافه معطوف مذاکرانك جریان ایتدکده بولدیگی و روس تکلیف معلومی دولته اساساً قبول ایدلمش اولغله برابر.

تذیقه قطمیه نك بوكو نلرده حصولی مأمول اولدینی بر زمانده تصدیق ایدیلور رمسی تکلیف مذکور قراءتی دولجه قبول اولنسون اولنسون روسیه نك بلغارستان قرالیقی تصدیق ایده جکئی احساس واشراب ایدر. بوايه البت قواعد نزا کته ووجائب موده موافق کوريله مز.

روسیه حکومتک روسیه افکار عمومیه سنه قاپیلهرق بالقان شبه جزیره سنده کی اسلاو حکومتلرینه عائد ایشلرده دها زیاده تساجبکارانه طاورانق مجبوریتی حس ایش اوله جنی ده جای انکار دکدر. باخصوص حکومت مشارالها اقصای شرق غوائل یوزندن بالقانلرده فعالیت کوستره مز اولمش، هر ایشی اوستریانک یداختیارینه ترك ایتمکده مضطر قالمش ایدی. احتمالکه شمعی کرک افکار عمومیه نك جریانه تبعیت ایتک و کرک اوستریانک شمعی به قدر حاز اولدینی سربستی حرکاتک تمادینی موافق کور مامک لزومی حس ایتدیکی ایچون پاناسلاویسم فکرنی یکیدن رهبر حرکت اتخاذ ایدور، بلغارستانی تصدیق قرالیقی کی بر جملیه ایلر بتهکرار دائره نفوذی داخلنه ارجاع ایتک ایسته یور. بکلرده ده موضوع بحث ایتدی کمز روس بولتیقه سنک بو استقامت جیدده سی صفحات و آثارنی ایلروده شه سز دها زیاده وضوح ایلر کوره جکر. شمعیکی حالده انکلتره حکومتی تصدیق قرالیت مسئله سنک بای حال تعویضات مالیه حقنده بر قرار قطعی اتخاذی سایه سنده قوه دن فعلیه جیقمسی ایچون یکی بر توسط دوستانه ده بولندیغنی تذکار ایتمکله اکتفا ایلر. بوباده کی معلومه کوره انکلتره خارجی ناظری سر ادوارد غره ی روسیه نك تکلیفی ایلر باب عالینک تکلیف مقابلتی تألیفه مدار اولق اوزره روسیه به مدیون بولندیغمز تضمینات حربه نك رأس الماله تحویل ایدیلرک بلغارستاندن اله حق تضمینات محسوب ایدلر کدن صکره متباقی قاله حق مبلغک طرف دولتدن نقداً تسویه سی جارمسی تأمل ایتمکده ایمش. باب عالی به تبلیغ اولندیغنی مروی بولان بو صورت تسویه طرفینجه رهین قبول اولدینی تقدیرده دولت مقدار فائضک یوزده بش ویا آتی اولسنه کوره یا ۷۵۰ ویا ۲۵۰ بیك لیرا قدر بر مبلغ ایلر روسیه به سنوی ۳۵۰ بیك لیرا

خرجگذار لقدن قورتلمش اوله جقدر! بوغاز ایچی استحکاماتی ترقیات حاضره یه کوره انشا و تحکیم اتمک ایستدیکمز زمان روسیه نك تضمینات حسابی اورتیه سورهرک بو حساب تسویه ایدلمدکجه استحکامات مذکوره نك مستلزم اوله جنی مصارف عظیمه نك دولتجه اختیار ایدلمسه راضی اوله میه جفنی بیلدر دیکنی استطراد قیلندن اوله رق علاوه ایدرسه ک بوخر جگذار لک بزہ - بودجه مزده کی بارندن ماعدا - نه قدر کران اولدینی کندیلکندن تعین ایلر!

بنابرینک روسیه ایله شو کونلرده بر استلاف تام پیدا ایدیلهرک بلغار اختلافک رفع و ازاله ایدلمسی آرزو ایدرز.

آوستریا ایله باییلان استلافنامه ایسه - هله شکر - کسب قطعیت ایتدی. استلافنامه نك بو کون امضا ایدیله جکنی خارجیه ناظری وکیلی غابریل افندی حضرتلرینک افادآنه عطفاً بتون غزیه لر نشر ایتدیلر.

شووجهله بالقان بحرآنک بزہ عاندقسمی برطرف ایدلمک اوزره در دیمکدر. فقط بونکله هر شی اولدی بیتدی نمی؟ بلغارستانک استقلالنده، بوسنه و هر سکه الحاقده اک زیاده دهها طوغریسی یکانه علاقهدار دولت علیه ظن اولنور ایکن صربستان ایله قره طاغک کمال ولوله ایله اورتیه آندقلری تعویضات طلبلری بو حسابک یالکمز بزمله کورلیه جکنی کوستردی. صربستان ایله آوستریا مناسباتی کوندن کونه کسب وخامت ایتدی. الیوم دولترک کافه می بلغرادده تنبیهاش شدیدہ اجراسنه لزوم کوستریورلر. وپانه ده دخی بر توسط دوستانده بولونلمسندن بحث ایدلمش ایسه ده بو جهت عموماً مظهر قبول اوله مامشدر. هر حالده صربستان و قره طاغ حکومتلری - برقاچ هفته اول دیدیکمز وجهله - افق سیاسیده ایکی سیاه نقطه تشکیکنده بردوامدر. دولترک محافظه صلح و مسالمت امرنده کی عزم قویلری نظر دفته آلنورسه بو نقطه لردن تخاشی ایدلماک ایجاب ایدرسه روسیه نك مارالذکر حرکت متقدمه می کبی احوال ناکهانی ظهوری ملحوظ بولندکجه هر شیئه احتمال ویرمک ضروریدر.